



Pravilnik o radu Izborne komisije

**Islamske zajednice Bošnjaka u
Švedskoj Džemat Stockholm**

Org. Nr. 802017- 6882

Na osnovu člana 35. Statuta Islamske zajednice Bošnjaka u Švedskoj – Džemat Stockholm, Skupština Džemata na svojoj sjednici od 28. 11. 2020. godine donijela je

PRAVILNIK

o radu Izborne komisije

Član 1.

(Svrha)

- (1) Ovim Pravilnikom u skladu sa Statutom Džemata reguliše se rad Izborne komisije.
- (2) Izborna komisija je organ Džemata koji je zadužen za tehničku pripremu i provođenje izbora kao i verifikaciju i brojanje glasova na skupštinskim sjednicama.

Član 2.

(Definicija)

- (1) Izbornu komisiju čine tri člana koja se biraju na mandat od četiri godine i jednog zamjenika koji se bira na mandat od dvije godine.
- (2) Za članove Izborne komisije mogu se izabrati samo članovi Džemata.
- (3) Ukoliko Izborna komisija ostane bez jednog člana, zamjenik postaje punopravan član dok se ne izvrši dopuna koja je regulisana Pravilnikom o izborima.
- (4) Izborna komisija donosi odluke natpolovičnom većinom.

Član 3.

(Konstituirajuća sjednica)

- (1) Konstituirajuća sjednica Izborne komisije održava se najkasnije mjesec dana od dana preuzimanja funkcije.
- (2) Konstituirajuću sjednicu saziva i njome predsjedava član koji je:
 1. bio predsjedavajući Komisije u prethodnom sastavu,
 2. bio član Komisije u prethodnom sastavu,
 3. dobio najveći broj glasova.
- (3) Na ovoj sjednici članovi Izborne komisije između sebe biraju predsjednika Komisije na mandat od dvije godine.
- (4) Na ovoj sjednici Izborna komisija donosi Plan aktiviteta za tekuću godinu i isti dostavlja Džematskom odboru.

Član 4.

(Zadaci)

Zadaci Izborne komisije su:

1. brine se za pravilnu pripremu izbora,
2. u saradnji sa Statutarnom komisijom propisuje obrasce u postupku pripreme i provođenja izbora,
3. prima kandidature i provjerava njihovu ispravnost,
4. provodi izbore,
5. utvrđuje i objavljuje rezultate izbora,
6. verifikuje ispravnost sazivanja skupštinskih sjednica,
7. registruje prisutnost članova skupštinskim sjednicama,
8. broji glasove prilikom glasanja na skupštinskim sjednicama,
9. obavlja i druge poslove određene ovim Pravilnikom i Pravilnikom o izborima.

Član 5.

(Dokumentacija rada)

- (1) Izborna komisija pismeno dokumentuje svoj rad.
- (2) Dokumentacija o radu Izborne komisije je sastavni dio arhive Džemata.
- (3) Novoizabrani članovi Izborne komisije mogu pregledati dokumentaciju Izborne komisije iz prethodnih godina u cilju kontinuiteta rada.

Član 6.

(Stupanje na snagu)

Ovaj Pravilnik, kao i izmjena ili dopuna ovog Pravilnika, stupa na snagu od narednog dana od dana njegovog usvajanja.

Član 7.

(Datum usvajanja)

Ovaj Pravilnik usvojen je na Skupštini Džemata, održanoj dana 28. 11. 2020. godine

Stockholm, 28. 11. 2020. godine

Predsjedavajući Radnog predsjedništva

Mustafa Šetkić

